



Training On ND&PS ACT, MLTP ACT, neih a ni.

Branch News

Chanmari West, July 3: Council of Minister rawtna angin Training On ND & PS Act, MLTP Act, ADC Act, etc. for NGOs, Police & Excise Personnel chu Ni 28-29.6.2011, Dar 10:00AMkhan ATIAuditorim-ah neih a ni. He Training ni 2 awh ah hi Pu R. Lalvena IAS, Director, ATI in a kaihruai a. Pu Lal Thanhawla, Chief Minister in a hawng a ni.

He hun hawngtu Chiel Minister Pu Lal Thanhawla chuan hawnna thu sawiin 'Mizoram Kristian za-a za chhal ngamna ramah ruihhlo zuarte an zalen hle a. Hremna na tak dan kan neih sa a awm reng chungin an tang rei thei lo hle thi hi engtia hma lak tur nge ni ang tih chungchang ngaihtuahna atanga he Training hi buatsaih a nih thu sawiin khawtlang, ram leh hnam pawhin kan duh lo em em zuara min tibuai thintute hi kan Customary Law leh Traditional Law lam atangin "Tlangchil" leh "Peizawn" mai dan a awm lo maw tih thlengin ngaihtuahna a lohman thin thu a sawi a. Drugs ti thinte chu chhanchhuah ngai, Pathian thu hmanga enkawl na mamawh tak an ni' a ti a. Central YMA-a CADs te hnathawh fak in Pu Hawla chuan thahnemngaia an mante hun reilote chauh an tanga an chhuak leh mai thin te chuan mi thahnemngaite a tih nual mai ang tih a hlauhthawn thu a sawi baw a, henga kan tan ho theihnan sorkar lam mite, dan lam hre mite leh tlawmngaia thawk thinte tana Training neih ho hi thil pawimawh tak a nih ngei a beisei thu

a sawi a ni.

Ni 28.6.2011 ah hian Pu Vanlalena, Chief Judicial Magistrate in Assam Drugs (Control) Act, 1950 chungchang a sawi a, Pu K.L.Liana, Special Judge in ND & PS Act chungchang a sawi baw a. Tlailamah sawihona hun an hmang nghal a ni. A ni hnihna Ni 29.6.2011 ah hian MLTP Act, 1995 leh MLTP Rules, 1996 chungchang Pu LH Lianhrima, Advocate, High Court in a sawi a. Pu Vanneihluanga, Freelance Writer-in MLTP Act/Rules chungchanga mipuite ngaihdan sawiin Pu Lalsawirema, Addl. Govt. Advocate-in MLTP Rules chungchanga Excise lama thawkte tih tur a sawi baw. He Training khama inkhawmah hian Pu R. Lalziriana, Home Minister leh Pu JH Rothuama, Excise Minister-ten an telpui baw a ni.

Training-ah hian Central YMA atangin CEC Member engemawzat, Kumpulan Committee leh CADs Member-te an tel a. Excise leh Police bakah Judicial Magistrate engemawzat an tel baw a ni.

(Source CYMA Website)

Ni 26.5.2011(Sunday) tlai khan kan vengchhunga Vai Mistiri leh helper(Cement) te koh khawm an ni a, Central YMA in an hlawh tur a an bi tuk angin, kan vengchhung a awmte pawh thawk tura ngen an ni.

Ni 29.6.2011 a Pi Lalremmawii(Teremi) W/o Lalchhandama 'T' Section a miin min boral san chu a kalsan tak a chhungte kan tawrhpu tak zet a ni.

Tunlai hian kan vengchhunga chhiat taw an awm hian zu leh thildang rui chungka kal thin an awm chu a paw hle a, rui chung chuan kal tawh lo tura ngen an ni.

Nimin Inrinni zing khan Zawlbuk sak mek ah hnatlang neih leh a ni a, YMA member 2000 chuangah mi 50 baw vel hnatlan a ni. Zawlbuk sak kal lai mekah hian section hrang hrangte hnatlang neih thin a ni a, section mahni hnatlan huna hnatlang thinte chungah B.YMA chuan lawmthu a sawi a ni.

YMA Aw man Section hrang hrang heng CH, V, N leh K-Section ten an tlak fel tawh a, an chungah Branch YMA leh YMA AW Editorial Board ten lawmthu an sawi takzet a ni. La tifel lo Section pawhin an tihfel thuai an beisei.

HRIATTIRNA LEH NGENNA

Ni 26.6.2011(Sunday) tlai dar 4 khan kan vengchhunga Vai Cement Mistiri leh Helper awmte koh khawm an ni a, Central YMA in an hlawh tur Mistiri ` 300/-aia sang lo, Helper ` 170/-aia sang lo a thawk tura ngen an ni. Tin, kan vengchhunga Vai chhawr thinte pawh Central YMA in an hlawh tur a bituk bak a chhawr lo turin kan in ngen a ni.

Thlanmuala bungrua te hi chhiattaw an awmin a tuka thlan siam te tan hman remtih a ni a, thlan cheithat emaw siam danglam emaw kan awmin hman phal a ni lo tih veng mipuite hriattir kan ni e. Bungrua kan hman te felfai taka senghawi leh thin turin CWBYMA chuan a ngen baw a ni.

YMA Park chhungah Ruihtheih thil hman leh lakluh khap tlat a ni. Vengchhung mawina leh mawilohna tilangtu anih avangin a lo thianghlim leh mawi zawk nan tan ila theuh ang u.

LUSUN KHAWHAR

Ni 29.6.2011 chawhnu Dar 2 khan Pi Lalremmawii(Teremi) w/o Lalchhandama (T-Section) chu a boral a, a kalsan tak a pasal leh a fate CWBYMA chuan a tuarpui takzet a ni.

TUN KAR CHANGVAWN
Pathian ngaihsakna hi lungawina tel zawngin hlawkna nasa tak a ni reng a ni. Khawvelah hian engmah kan luhpu si lo va, engmah kan chhuahpu thei baw hek lo. I Timothea 6:6-7

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkuma
9862303135

Pu Vanlalhluta
9862366308

Tv. Vanlalfawna
9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production

Manager
R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5

Editorial : Vengchhungah chhiattawk lumen ngai kan awm leh ta zeuh zeuh mai. Hetihlai hian nula/tlangval tlaivar pawh kan thahnem thin hle a, a lawmawmin chhiattawk chhungte tan pawh a thlamuanthlak hle a ni. Amaherawhchu hetihlai hian nula/tlangvalte zan dar 10 bawl vela kan kal tan chauh thin hi chu a veiawm ta khawp mai. Chaw eikham hlima nu leh pa lo zai tawhte kan ti hrilh hai ang tih a hlauhawm rum rum mai. Rawlthar tlaivar tura in chhuahsan ni ve si, a bul hnaia khawsa vel mai mai leh ruihtheih thil ti a bengchheng thin kan inlar thar leh ta nual mai hi chu a chhangchhiatthlak takzet a ni. Heng mite avang hian YMA hmel a bal a, hruaitute lu a hai thin hle bawk a ni. Heng kawngah hian nu leh pa te pawhin kan fate nasa lehzuala tanla turin i fuih thar leh theuh ang u.

Article :

INGAIHTUAH NGAI EM?

(Thu Benglut)

Ke bial (Wheel) hi hmasang Mesopotamian Civilization hunlaia hmuhchhuah daih tawh kha a ni a, Thirsakawr ang chi hi kum 1645 khan Jean Thesona'n a siamchhuak a. A thidinna (Brake) leh a rahkalna (Pedal) emaw, a herhkawina (Steering)te pawh a awm chuang lova, kum 1839 khan K. Macmillana'n thirsakawr pawngngai deuh tak a siamchhuak ta a ni. Chu pawh chu a ke thir a siam a ni na a, a tak (Body) chu thing a siam a ni.

Lirthei siamchhuah/ hmuhchhuah a ni hi mihringte'n kan tangkaipuia kan chhawr viau laiin, kum tin hian mihring nunna tam tak suattu niin, mi tam takin hliam tawrh phah nana hmangin, a thenin ramtuileilovin an awm phah bawk a ni.

Kumtin hian khawvel pumah lirthei avanga thi mi nuai nga (5) zet leh hliam tawh maktadaui khat zet an awm ziah anga chhut a ni. India ram hi lirthei chetsual tamna ber te zinga mi a ni a, Lirthei chetsualna-ah hian kumtin mi singsarih vel zet leh hliam tuar mi nuai thum leh singnga vel zet awm ziah ang a ni. Heng chetsualna zawng zawng lo awm chhan za-a sawmriat 80% hi mihring thiamloh/tihsual vang a ni a. Lirthei khahlitu thiam loh te, passenger thiam loh te leh ke-a kal te thiam loh vang a ni deuh ber thin, khawl lam fel loh vanga chetsualna thleng pawh a awm ve nual. Traffic chungchanga khawvela thil thleng hmasa berte i'n thlirho teh ang.

Lirthei chesual hmasa ber - Cugnet's Steam Tractor-in kum 1771-a Paris ralthuam dahkhawmna bang hniam te a sut kha a ni.

Dan (Act) hmasa ber - British ho dan " The Locomotive and Highway Act,- The Red flag Act, 1865" an tih bawk chu khawvela traffic dan awm hmasa ber a ni a, he dan ang hi chuan, lirthei pakhat khalh turin mi pathum- a herhkawitu, mei lo tuah tu leh lirthei dang lo kalte lo hrilhlawktu an awm a ngai a ni. A pathumna pheh hi chu flag sen kengin yard 60-a hla ah a lo kal hmasa tur a ni.

India ramah chuan Motor Vehicle Act hi kum 1914 khan hman tan a ni a, Mizoram-ah pawh kum 1996 khan Mizoram Vehicle rules kan nei ve tan.

Motor Number hmasa ber - Police-ten motor number an pek chhuahna hmasa ber chu France ramah kum 1893 khan a ni.

Pawisa chawitir hmasak ber - Kum 1895 khan John Henry Knight chu kawngpui (High way)-ah thirsakawr ke pathum nei chi a khalh avangin man a ni a, court-ah hruai niin chawitir a ni.

Mizoram-ah chuan traffic Police ten pawisa an chawitir hmasak ber chu Lalthlana D/L No. 10419/M27 Prof 89- ZRM 2525 (Truck) khalhtu a ni a, November ni 1, 1990 zing dar 10:00 A.m-ah midangte dipdala a truck Electric Veng Power House bula a dah vang a ni.

Thihna thlen khawp chetsualna hmasa ber - Kum 1899 February ni 25 khan London Grove Hill-a Harrow-on-the hill an tih hmunah car a chesual a, a khalhtu a boral.

London-a number plate hmasa ber - Kum 1901 khan Earl Russel-a chu a Motor number atan A -1 pek a ni.

Alkatra hman hmasakna ber - Kum 1902 khan Monte Carlo-a vaivut khu lutuk tihreh nan Macodam-ah Alkatra hman tan a ni a, Swiss mi Dr. Guglielminetti-a ngaihtuah chhuah a ni. A tirah chuan chhuang so lovin a daiin an hmang.

Motor Car Act - Kum 1904 January thla khan Britain-ah hman tan a ni a, hemi dan ang hian lirthei zawng zawng chhinchhiah (registered) a, number plate tar vek tur a ni a, tin lirthei khalhtute'n khalh phalna license an nei vek tur a ni. Amaherawhchu driving test an nei ngai lova, form an fill-up a, Dakin-ah pawisa dahin license a neih mai theih a ni. He danah hian hlauhawm taka lirthei khalh chu dan bawhchhiatna lian tak a ni tih ziak meuhvin dah a ni.

(Kan rama dan -MV I Act section 184-na ang hian)

Petrol Pump hmasaber - Kum 1906 khan USA-ah Petrol Pump hmasa ber siam a ni.

Traffic light hmasa ber - Khawvela Traffic Light hmasa ber chu kum 1919 khan Detroit, USA-ah hman tan a ni a, Britain-ah chuan kum 1928 khan Wolverhampton-ah hman tan a ni London-ah chuan kum 1932 hnulamah hman tan chauh a ni.

Traffic sign hmasa ber - India rama Traffic sign hmasa ber chu Bombay (Mumbai) a Mayo Kawng leh Veer Narimaan kawng intawhnaah June 1955 khan tar a ni. Mizoram-ah chuan kum 1968 bawr vel khan Mizo High school peng pan chhohna step bulah 'School Ahead' tih tar a ni a, chu chu cautionary sign tar hmasak ber ni a hriat a ni. Tin, Treasury's Square leh Pawnpuite In (Reid House/ Raj Bahvan North Gate ep) inkarah 1974 khan Pu S.Gogoi(MPS) chuan 'No Horn' tih a tar a, chu chu Mandatory sign hmasa ber a ni.

Kea kalte kawngkana (Pedestrian Crossing) hmasa ber - Kum 1934 khan Britain-ah hman tan a ni.

Hmeichhe Traffic hmasa ber - Kum 1964 khan Paris-ah a vawikhatna atan Traffic Police-ah an duty tan a, Delhi-ah chuan kum 1989 khan an chhawr tan ve thung. Aizawl khawpuiah chuan kum 1977(tawp lam) khan Traffic Police-ah hmeichhia chhawr tan niin, kum 1989 atang khan tihtawp leh lawlawk a ni.

NEUVA

- ☞ Kartawp hian Committee koh tum ani a, hruaitu te hunawl lo insiam turin an in chah.
- ☞ Hruaitu Talent Ip la theh lut lo te Project mitthla a Chair hre reng chungah theh lut turin an in chah.
- ☞ Zan Dar 10 hnulama Vety Quarter chhak vel bul hnaia chengte tana bengchheng siam thin te ti tawh lo turin an in hriattir e.
- ☞ Hruaitu Friendly Match khel thei tur a lo inla fit turin an in chah.
- ☞ An section Treasurer NI.Lalramengi chuan Chanmari Pastor Bial Bible exam ah lawmman 2-na a dawng a, an lawmpu in an chhuang hle.

TAITESENA

- ☞ An member Pu Lalchhandama chu a nupui Pi Lalremmawii (Teremi'n) ni 29.6.2010 khan a boralsan a, an tuarpui hle.
- ☞ An hruaitu Pu Lalhmingliana a pa damlohna avanga phailama zin pawh damtakin a lo haw leh ta.
- ☞ Bial neitute Section chhunga rawn pem tharte hnenah Chhiatni Fund a tul anga khawn zel thin turin an in ngen.
- ☞ Section Asst.Leader Pu Lalngaihawma te chhungkua chu Ni 1.7.2011 khan YMA Buk lamah an insawn chho ta.
- ☞ Karleh lo awm tur hian rokhawlhna dang a awm a nih loh chuan section committee neih tum a ni a, hruaitute hunawl lo insiam theuh turin an in ngen.

VANAPA

- ☞ Ningani nileng khan Property incharge ten Bungraw enfel leh Bungraw thenkhat rawng hnawih hnatlang an nei.
- ☞ Section Secretary hlui Pu Rohmingthanga'n Chhiatni a hman tur Pencil leh Marker lei na tur a pe a, a chungah an lawm hle.
- ☞ An hruaitu hlui Pu R.Lalhmachhuana (ihmaa) ten fapa duhawm tak an nei a an lawmpui hle.
- ☞ Neuva Section hruaitu te nen Football ah inkhelh an tum a, Neuva Section te hian an chhang let ngam lo niin an hria.
- ☞ Police Deptt. ah ASI engemaw zat an la dawn a Section Member pawl 12 Pass chin ten ngaihven turin an in chah.

CHAWNGBAWLA

- ☞ An Section Thalai in kohkhawm kha hun remchang hmasa berah rawn koh an tum a, information mike ah a hun tur hi rawn puan mai a ni tawh ang.
- ☞ Section No bawm Pasarih chu siam zawh tawh a ni a, No thar hi an dimdawi hle tih lo hriat sak turin an in ngen.
- ☞ Section chhung a lo fai theih nan Bawlhhlawh bawm an dahte hmang tangkai turin mipuite an in chah.
- ☞ YMAAW man pek tlak a ni ta chu lawmawm an ti hle, Copy 180 lak a ni a, `14,400/- YMA AW Production Manager hnenah theh luh a ni.

CWSC NEWS**Football Sub-Committee :-**

- ☞ Ni 27.6.2011 atanga Ni 2.7.2011 chhunga ADVA Season Opening Indoor Stadium-a neihah Thingpui dawr siama inhlawh a ni.
- ☞ Thingpui dawr siamna atan Tui min petu Pu. S.Lalsangliana, Bungrua min hawh tirtu Khuangchera Section, Tv. Lalnunzawma , Lirthei thawhtu Pu Lalthansanga Hmar leh Pu Remsangpuia leh Gas min ngaihtuah saktu Larohlui leh Pu Lalthansanga Hmar Management Committee te leh member hnatlanga thawkchhuak zawng zawng te hnenah lawmthu an sawi tak meuh meuh a ni.
- ☞ An hruaitu Pu Lalbiakhlua, ADFA Joint Secretary a thlantlin a nih chu an lawmpui hle
- ☞ An Football Player Saihlupuia Sailo (Sena) Tanhril-a miin Ni 30.6.2011 a nupui a neih chu an lawmpui hle a , Sub-Committee hmingin lawmpuina thil pek a ni.
- ☞ Hun remchang hmasa berah Committee koh tum ani a, Section tin a incharge ten monthly danation a rang lama tifel turin an in ngen.
- ☞ Hun remchang hmasaberah Volley Ball Sub-Committee te nen FOOTBALL Friendly Match ropui taka kheltum ani a, memberte lo in la fit turin an in chah.

Volleyball Sub-Committee :-

- ☞ ADVA Season Opening Indoor Stadium-a neih ah CWSC Volleyball Team te chuan nimin Inrinni khan Josua Memorial Volleyball Club te nen Final an khel a, result hi kan hre hman ta lo a ni.

ZCC NEWS

- ☞ Ni 28.7.2011 (Zirtawp) a Hermond Children Home an tlawh tur a tan vengchung mi in phalte hnenah tanpuina khawn mek a ni a, tlawmngaia tanpuina remchan ang ang pe turin an ngen.
- ☞ Dt. 4..2011 Thawhtan zan dar 8:00 p.m. ah Indoor Stadium-ah lamzir tur a ni a, memberte kal vek turin an in ngen.
- ☞ Vawin Ni 3.7.2011 hian Pu F.Zosanga nu Pi Darkhami leh NI.Zorinpui pu, Pu R. Vanlalnela te ralna neih tur a ni a, hruaitute chhun dar 12:00 a.m ah President, Pu Zonunsanga-te inah kim vek tur a ni.

THIL BO

- ☞ Ni 1.7.2011(Zirtawp) zing Dar 7:30 khan Presbytarian Biakin Gate Opposite a ka Scooty dah a Chahbi min lo phawi saktu khan khawngaih taka min pe let leh turin ka ngen a che.

H.Lalnunzira (Zirtea)

- ☞ Tunkar kalta chho khan Pi Biakhluni (K-Section) te in bul step leh Pu Dengthanga In inkar ah naupang tarmit tihbo a ni a, lo hmu leh chhar in awm chuan ahnuiaia Phone number ah hian min han hriattir in min han pe leh ula kan lawm hle ang.

Ph.No. 9436190843**KEIMAHNI**

Chanchinbu enkawl hi ngaihtuahna fim leh rilru zau tak put a ngaia, thu leh hla midangte tana bengvarna thlentui ni tur chuan vengchhunga a tui mite hian tanlak kan ngai ta takzet a ni. SMS ah hial te min veipuitu kan nei hi kan lawm takzet a ni. Kumpulan Sub-Committee kan nei a, OB te mai bakah committee memberte leh Branch hruaitute pawh hian kan kumpulan hi kan vei lo nge, kan ngaimawh lemlo te pawh a tih theih. A chetchhuah leh thu a sawi hian danglamna nasa tak a neih thin kha mawle.

Heng zawng zawng han thlir hian thu kan thiam emaw thiamlo emaw kumpulan 'Khawtlang Nun Siamthat' hawi zawng hian chanchinbu ah te hian thu tam tak a sawi theih a ni tih i hre thar leh teh ang u. Editorial Board te hian harsatna kan neih chu heng lampang deih zawk hi a ni tih hruaitute pawh hian kan hriat atha awm e. Inthlahrung chung chungah tlawmngai tur a kan ngen ten min tihhlawhtlinsak lo pheisela chuan kan baihvai ngawt ta ve ang. TAN ILA THAR LEH THEUHANG U.

(Thahnemngaihna vang a ni e.)

CYMA NEWS

🦅 Ni 27th June - 9th July, 2011 chhung a Ruihhlo ngaite leh Hmeichhe rahbi tleu tawhte tana Central YMA-in Chhandamna Camping Krista Hnungzuitute Tawngtai Bethel Camping Centre, Chawnpui buatsaih chu tan a ni ta. He Camping-ah hian Campers 498 (Mipa 392 leh Hmeichhia 106) an lut a, Speaker atan Lalsanglura Ralte, Sons of God Ministry chu hman a ni. He Camping hi a hlawhtlin ngei theih nan mimal, chhungtinte leh Kohhran hote tawngtaipuina CYMA chuan a ngen takzet a ni.

🦅 Council of Minister rawtna angin Training On ND&PS Act, MLTP Act, ADC Act, etc. for NGOs, Police & Excise Personnel chu Ni 28-29.6.2011 dar 10:00A.M khan ATI Auditorim-ah neih a ni. Training ni 2 aw hah hi Pu R. Lalvena IAS, Director, ATI in a kaihruai a. Pu Lal Thanhawla, Chief Minister in a hawng a ni. Training-ah hian Central YMA atangin CEC Member engemawzat, Kumpuan Committee leh CADS Member-te an tel a. Excise leh Police bakah Judicial Magistrate engemawzat an tel baw k a ni.

RAMCHHUNG RAMPAWN

🦅 Grand Slam zinga ngaih ropui leh hlut ber Wimbledon chu a hmawr baw k tan mek a ni a, Mipa Singles lamah World No. 2 Novak Djokovic chuan No.12 TSonga chu Set 3 set 1 in a hneh a, semi-final lehlamah World No.1 Rafael Nadal pawhin No.4 Andy Murray chu set 3 set 1 bawkin a hneh a, wawiin tlai hian final an khel ang. Hmeichhe singles-ah Maria Sharapova leh Petra Kvitova ten nimin khan final an khel a, result kan tarlang hman ta lo a ni.

🦅 India sorkar leh MNF-in June 30, 1986-a Remna thuthlung an ziah champha vawi-25-na (Remna Ni) chu Ni 30.6.2011 khan Aizawl leh District Hqrs. tinah hman a ni.

🦅 Mizoram Statistical Handbook 2010 in a tarlan danin Mizoram ah kum 2010 tawplam thleng khan mobile phone connection 6,21,415 a awm tih an tarlang.

🦅 China ramah Jiaozhou Bay Bridge Km 42 (26miles) zeta thui an dawh chu June 30, 2011 khan khawvela Sea bridge sei ber ni turin hawn a ni. He lei siam nana senso hi 14.8 billion (USD 2.3 billion) laia tam a ni.

HETAH HIAN SMS LA

>>9774170328<<

🦅 K-Section huamchhung company peng chung pheia Sava veh hrat tak mi 1 hi a ninawm hle mai. Vengchhungin sava veh hrat kan nei hi a vanduaithlak hle a ni. Vawkchaw zawng chunga sava veh hi lo sim tawh rawh.

857518_14

🦅 LS Bakery Colony-a Ui vulh tu khan chhuah tawh suh u, kan ning lutuk mi kut thak a tuar palh hlauh ang e. In ui ek kan thiar ning tawh tih lo hre teh u.

977492_21

🦅 Thenawmte tana bengchheng khawpa Tape play ching kan la awm fo mai hi i sim tawh teh ang u. A tunlai lo em mai. .

961213_69

🦅 YMA Park ruihhlo laka a fihlim lo kan ti fo mai hi a ninawm zo zai ta hle mai. A ti thin leh bengchheng te hi kan vengchhunga mite an ni si a, nu leh pa ten kan fa te che tla hi i enin i zilh deuh tawh teh ang u.

985615_00

🦅 Fur a ni a kawnga tuihawk luang nin tawh nak a laiin kawngpuia luang duah duah khawpa lirthei sil kan la awm hi chu a zia lo ngawt mai. Kawng a chhiatin a phun peih peih kan la ni lehngal si a.

943619_33

🦅 YMA AW ah hian thu ngaihnawm leh bengvarthlak tak tak chi hrang hrang chhiar tur a awm fo mai hi a lawmawm hle mai. Hetih lai hian vengchhunga thuziak mite tan han la thar zual leh deuh ila a bengvarthlak leh zual ngei ang. Kumpuan lam hawi ang te hi ziah theih nise vengin nasa takin hma a sawn ngei ang.

961217_28

(SMS kan dawn te hi Ed. Bd ngaihdan a ni vek kher lo)

CHAM CHAM STORE
Chanmari west, Aizawl.
C-85/01A
Contact
9436352887
0389-2348162

HEI LE LIMBU TUI

Limbu Tui fir tha tak engemawchen kan khaih lak hnuin kan nei leh ta e, min dawr thin tute min han dawr leh teh u. Man tlawmtein kan pe chhuak leh ta chur chur e.

Ph:9862926173

HRIATZAUNA HUANG**Khawvela Daily Newspapers Sem tam te**

1. Yomiuri Shimbun	Japan	1,00,21,000
2. Asahi Shimbun	Japan	80,54,000
3. Mainichi Shimbun	Japan	39,45,636
4. Bild	Germany	35,48,000
5. Canako Xiaoxi (Beijing)	China	31,83,000
6. The Times of India	India	31,46,000
7. The Sun	U.K	31,21,000
8. Nihon Keizai Shimbun	Japan	30,34,481
9. People's Daily	China	28,08,000
10. Chunichi Shimbun	Japan	27,63,000

(Source: World Association of Newspapers)

Khawvela hnathawktu (employees) ngahte

1. Wal Mart Store, USA	Retail	18,00,000
2. Indian Railways	Rail Service	16,00,000
3. China National Petroleum, China	Oil and Gas	10,90,232
4. State Grid, China	Electric Power	8,44,031
5. US Postal Service, USA	Mail	8,03,000
6. Sinopec, China	Oil and Gas	7,30,800
7. Deutsche Post, Germany	Post and Courier	5,02,000
8. Agriculture Bank of China, China	Banking	4,87,895
9. UES (Unified Energy System), Russia	Electric Power	4,61,200
10. Siemens, Germany	Electronics	4,61,000

(Source: Fortune Global)